

*Rarissimo - não mencionado em Bamba de Moraes, nem em Blake.*

ILLUSTRISSIMO,  
ATQUE  
EXCELLENTISSIMO  
DOMINO  
D. PETRO JOSEPH  
ANTONIO MENESIO  
MARIALVÆ MARCHIONI,  
FIDELISSIMÆ MAJESTATIS A CONSILIIS,  
REGII COMITATUS EQUESTRI  
PRÆFECTO MAXIMO,  
AULÆ REGIÆ CUBICULARIO,  
RERUM AD BELLUM PERTINENTIUM  
CONSILIARIO,  
&c. &c. &c.  
PATRONO SUO BENEFICENTISSIMO,  
OB MULTA IN SE, SUOSQUE COLLATA BENEFICIA;  
DEVOTO PECTORE

O.

VINCENTIUS JOSEPH FERREIRA CARDOZO  
DA COSTA.



INSTITUTIONAL  
RECORDS  
OF THE  
FEDERAL BUREAU OF INVESTIGATION  
UNITED STATES DEPARTMENT OF JUSTICE  
WASHINGTON, D. C.  
20535  
JAN 19 1964  
FBI  
RECEIVED  
JAN 19 1964  
FBI  
RECEIVED

RPJCB



# THESES

E X

JURISPRUDENTIA NATURALI,

SACRA, & CIVILI,

TUM ROMANA, TUM PATRIA;

NECNON

EX UTRIUSQUE HISTORIA,

QUAS

PER REPETITIONIS ACTU

IN CONIMBRICENSI GYMNASIO SUBEUNDO

SUB AUSPICIIS

LONGE CLARISSIMI VIRI

D. D. EMMANUELIS

PEDROSO DE LIMA

REGALIS SANCTI PAULI COLLEGII RECTORIS, PRIMI

AB INSTAURATA ACADEMIA JURISPRUDENTIÆ

NATURALIS ET POLITICES PROFESSORIS,

NUNC JURIS CIVILIS PRIMARI ANTECESSORIS;

FACULTATIS DECANI,

ACADEMIÆ JUDICIS CANCELLARII CÆT.

SUSTINENDAS PROPONIT

VINCENTIUS JOSEPH FERREIRA

CARDOZO DA COSTA.

Integra die      hujus mensis.



# THESES

UNIVERSITY OF MONTANA

BAGLEY, E. C.

PHYSIOLOGY, ZOOLOGY

1910

IN THE DEPARTMENT OF

SCIENCE

BY E. C. BAGLEY

IN COMPLETION OF THE REQUIREMENTS FOR THE

DEGREE OF

DOCTOR OF PHILOSOPHY

BY E. C. BAGLEY

PHYSIOLOGY, ZOOLOGY

UNIVERSITY OF MONTANA

DEPARTMENT OF SCIENCE

1910

IN THE DEPARTMENT OF

SCIENCE

BY E. C. BAGLEY

PHYSIOLOGY, ZOOLOGY

RPJCB



INITIALI  
DISSERTATIONI

EX

AMPLISSIMI JC. ORDINIS DECRETO

ARGUMENTUM PRÆBET


ULPIANI FRAGMENTUM

*In Lege 33. de Legibus Lib. 1. Digest.*



INSTITUTION  
DISTRICT ATTORNEY  
IN  
CITY OF NEW YORK  
OFFICE OF THE  
DISTRICT ATTORNEY  
CITY OF NEW YORK  
JANUARY 1881





# THESES

## *Ex Jure Naturali.*

### I.



UOD Romano Oratori placuit *nihil aliud esse violentam sui tuitionem prohibere, quam justitiam è mundo abripere* ipse asserere minime dubito; licitam inde sui defensionem esse deducitur, five cum aggressoris læsione, five sine ea fiat. At Ciceroni adjicio, hanc sui tutelam licitam non modo, sed & plerumque præceptam.

Cum vero 1. sui defensionem nihilo habens, majus ac excellentius bonum vitæ præfert, veluti martyrium pro fide patiundo, vel pro patria, republica, exercitu se devovendo, tunc occidi potius, quam defendi licitum & virtuosum, juriq̃ naturæ neutiquam adversum fateor. Si etiam 2. Princeps aggressor fuerit, tenetur invasus defensionem ommittere; id postulat reipublicæ commodum, cui utilior est vita Principis licet scelera-  
tissimi, quam civis probi, ac innocentis.

Nec interest, an quis in nos sine culpa, ac dolo impetum faciat: qua de causa insania agitatum, & errantem, similesque alios, cum nobis exitium intentant, defensionis causa trucidare licet. At vero hæc omnia moderamine inculpatæ tutelæ servato tantum permittuntur.

### II.

Hactenus de vitæ tutamine. Cum vero membrorum nostrorum integritatem ita tenero nobis sensu natura commendet, ut non possimus non omnibus modis illam protegere, id ipsum, quod de defensione vitæ diximus, etiam ad membrorum tuendam integritatem



tem concedendum suspicamur, videlicet eum, qui periculum illis molitur, si aliter effugi nequeat, occidi recte posse.

Pudicitia item nostra defendi cum occisione alterius potest, quamvis contrarium placeat Thomasio, Budeo, aliis. Quid pro rebus nostris? Violenta defensione tunc uti licet, si re, quam nobis abripiunt, aliter carendum foret: quod inter illos, qui libertate naturali degunt, contingere arbitror, simul ac rem ipsam subripere contendunt, idque aliter vitare non possumus: ast in civitatibus tunc, dummodo nulla rem recuperandi alia spes sit, veluti cum fur in iudicium adduci nequit.

Libertatis etiam aggressorem jure non repugnante interimi, si aliter in servitutem invasus deducendus foret, præeunte Cl. de Real defendendum proponimus.

### III.

Quidquid veterum quamplurimi, Stoicæque Philosophiæ sectatores præsertim de propriidii laude conscribant, eos quibus vel conscientia criminis, vel calamitatum, per quas excruciantur, magnitudo, vel diræ & ignominiosæ mortis timor, vel quid aliud tam truculentum consilium extorquet, in legem naturalem graviter peccare existimo.

Suicidii quoque reos illos arbitror, qui studio, intolerabilique labore sese frangunt, qui luxu, ac libidine vires imminuunt, qui valetudinem parum curant, qui denique sine necessitate manifestissimis se periculis obijciunt; quid enim interest, an veneno, gladio, labore, aut voluptatibus quis sibi mortem acceleret? conciscat?

### IV.

Jus publicum universale, quod statum publicum in quavis civitate dirigit, nullum existere arbitrantur præcipue, qui cum Hobesio ad absolutissimam adscribunt Imperanti



ranti potestatem , ipsum naturalibus legibus absolventes. Ego contra ipsos præeunte Cl. Just. Henning Bohem. insurgam.

Quibus hoc jus differat a naturali , gentium , civili , publico particulari , ac politica interroganti respondebimus.

Hujus doctrinæ præstantiam , ac necessitatem , nullamque Regibus , Magistratibus , Jureconsultis , Civibusque bene moratis omnibus digniorem inveniri posse demonstrabimus.

Subsidia tandem , quæ juri ipsi comparando inferviunt , referemus.

#### V.

Cum re ipsa docente cognoscamus florentibus literis florere Respublicas , ipsasque extincto literarum lumine paulatim velut consenescere , nemo non videt , Principi , qui Reipublicæ prosperitatem , ac salutem quærere tenetur , jus circa Civium studia competere.

Hinc 1. ad Ipsum ingeniorum dilectus pertinet , vi cujus , præcognita cujusque indole , arcere alios a certo studiorum genere potest , alios ad illud accire , cui aptissimi ipsi videntur. 2. Universitates , Scholas , aliasque literarum societates instituere , easque , si quid vitii ceperint , instaurare : ibi 3. Doctores , Magistrosque creare , libros , doctrinas , atque modum , quo doceantur , præscribere : 4. stipendia , ac præmia literarum cultoribus constituere : 5. impedimenta , quæ studiis obstant , remove : 6. Civium profectus explorare : 7. literaria itinera dirigere , & id genus alia.

#### VI.

Si dubia regni hæreditarii successio fuerit & inter duos , pluresve circa successionem controversia oriatur , illius judicem alii cum Hubero arma constituunt , alii cum Gronovio viventem Regem , alii alios : ego vero  
 \*\*\*  
 po-



populum Cl. de Real & Jo. Barbeirac vestigiis infis-  
tens : modo de regno libera voluntate populi delato  
quæstio sit, ac neuter litigantium jam imperium occu-  
paverit, subditosque in verba sua jurare coegerit; tunc  
enim, si in arbitros consentire nollint, illorumque ar-  
bitrio obtemperare, solummodo penes Deum vel arma  
judicium erit. Erit etiam penes viventem Regem, cum  
ipse primus sit, qui regnum victoriæ jure possidet; si  
enim de successionem regni leges posteris præscribere po-  
test, cur controversiam circa illam nascituram non de-  
rimere?

## VII.

Quamquam nec Hobesio consentiam, naturalem ho-  
minis statum esse bellum omnium in omnes, neque Tho-  
masio ex pace, belloque confusum, ita tamen ut ad  
bellum magis inclinet, asserenti; attamen mihi suadeo,  
bellare nonnunquam licitum esse.

Ecquidem bellum justum existimo ob læsionem juris  
nostri perfecti, quod si contra lædentem defendimus,  
defensivum, si, qui illud non præstat, præstare obstri-  
gimus, bellum gerimus offensivum.

Non tamen justæ belli causæ sunt 1. vicinæ potentiæ  
metus 2. sola imperii utilitas: 3. juris imperfecti dene-  
gatio; ac etiam 4. matrimoniorum licet Principi facta,  
modo eorum nulla necessitas sit: 5. sola punitio scele-  
rum erga Deum, aut erga se, aut erga tertium commif-  
forum: 6. religionis propagandæ studium: 7. inventio  
regionis: 8. amor mutandæ sedis: 9. hominum stolidi-  
tas: 10. Pontificia donatio: ac 11. denique ipsa læsio,  
si lædens satisfactionem præbere paratus sit.

## VIII.

Jus belli proprium Imperantis est; nec Magistra-  
tibus, quique illi sint, competit, nisi ex consensu Prin-  
cipis vel expresse, vel tacito, quando periculum ita  
ur-



( II )

urget , ut tempus eum consuli , non ferat : utroque tamen casu summi Imperantis jure non Magistratus fieri bellum existimandum.

Ex hoc jure belli plura alia fluunt ad Principem ipsum spectantia : videlicet jura 1. armamentaria publica constituendi : 2. legendi , & conducendi milites etiam invitos ac privilegiatos , veluti Magistros , Doctores , ac Religionis Ministros si salus id exigat Reipublicæ : 3. metationes præscribendi : 4. munimenta , classes scilicet , & arces quocumque in loco , ipsismet sacrosanctis templis , extruendi , si necessitas postulaverit : 5. excubias civibus , quovis demum honoris gradu fulgeant , imperandi : 6. milites hosti etiam cum summo periculo opponendi : alia , quæ interroganti exponam.

IX.

Hostis hostem jure occidet : non tantum quod id impune fiat , ut Grotius credidit , sed quod licitum sit , si res aliter componi , & pax obtineri nequeat.

Eos itaque trucidare licet , qui aut jus suum defendentibus , aut persequentibus resistunt , quin intersit , bona , malave fide id faciant , coacti , an volentes. Injuria tamen interficiuntur 1. illi , quorum vel sexus vel ætas , vel vitæ genus ab armis abhorret , nisi id indirecte , & extra agentis propositum fiat , aut si officium deferentes arma sumant , 2. bello capti. 3. dediti etiam sine conditione : 4. dedi volentes ab hoste tamen non recepti. Adjicio nec terrorem , nec pertinacem defensionem , nec talionem sufficientem causam esse hos occidendi.

Nec inspiciendum an solo proprio , an hostis , an nullius , hostes occidamus : ubique enim lædentem interficere licet , si solum amici excipiamus , non ob hostis personam , sed ob privilegium territorii amici , quod violare nefas est.

Arma etiam ad hostes interficiendos omnia sunt permilla;



missa ; nec prohibemur ad id spicula veneno inficere , percussores nulla fide ei , adversus quem jubentur , obstrictos mittere , & alia hujusmodi peragere , quamvis & prudentiæ , & humanitatis regulæ ab iis abstinere jubeant.



## THESES

### *Ex Juris Romani Patriique Historia.*

#### I.

**I** Nitio civitatis Romanus populus nullo scripto jure , sed consuetudine ac moribus , quos ex Albania duxerat , regebatur : quidquid tamen ad illos mores componi non poterat , Reges ex arbitrio moderabantur , quandoquidem , quid fieri vellent , edictis propositis , aut per præconem publicatis denunciantes.

Postea Leges tulerunt ipsi Reges , Tarquino Superbo excepto , quas omnes , non sacras tantum , ut Baccio , aliisque videtur , in unum volumen congeffit Sextus Papirius , quem , temporibus licet Tarquini Superbi vixisset , suam tamen collectionem expulsis Regibus ordinavisse defendam.

Sermo nobis erit de quibusdam iis Legibus ; Romuli scilicet de jure patronatus , de abstinencia mulierum , de patria potestate , de expositione infantium , de pudicitia fæminarum : Numæ Pompilii de funeribus , de piscibus squamosis , de sepultura fulguriti , de vino ex imputata vite in sacrificiis non utendo , ac omnium celebriore de pellice aram Junonis tangente : Tulli Hostilii de tergeminis , de perduellione : Anci Marcii de jure Feciali : Tarquini Prisci de regiis insignibus : Servii Tullii de libertinorum civitate , de civium libertate , de liberis parentes verberantibus.

#### II.



Exactis Regibus, ipsorum etiam leges exoleverunt, non illæ dumtaxat, quæ ad mores regios, regnique statum spectabant, prout sentiunt Eberlinus, Sigonius, alii; sed omnes, ut Pomponius refert: quod arbitror contigisse non Terentio, ut Goveanus, non Tribunicia Junii Bruti, ut Hottomanus, non aliis legibus, ut plerique existimant; sed desuetudine, cujus causa odium in Reges ipsos gravissimum. Inde tamen Romanos ipsis regiis sanctionibus tanquam moribus & jure non scripto usos fuisse sustinebo: quæ vero illis moribus non erant definita Consules edictis, sed raro stabiliebant, plerumque ex arbitrio moderebantur.

Hanc jurisprudentiæ formam Roma non viginti, ut in corrupto Pomponii loco legitur, sed sexaginta annis passa fuit; quo tempore leges paucissimæ fuerunt latæ, has inter cum celeberrima sit lex Atria Tarpeia, illius tum historicam interpretationem, tum veram causam, & sententiam aperiemus.

## III.

Duodecim Tab. leges subsequuntur; in quarum prolixa historia patefaciam 1. quæ illis conscribendis causa fuisset: 2. tres, non decem, legatos ea de causa fuisse in Græciam missos: 3. Decemvirorum creationem; ipsarum legum constructionem, publicationem: 4. illas tabulis primo querneis, eboreis postea, ac tandem æneis fuisse scriptas, non tamen carminibus, ut ex Cicerone quidam perperam deducunt: 5. fontes proximis ipsis fuisse Solonis, aliorumque Græciæ legislatorum, non tamen Licurgi, sanctiones: ac præcipue Regum leges patriosque mores: 6. Romanos a Thomaſio immerito increpari, quod perigrinas leges petiverunt.

\*\*\*\*

## IV.



Cum Edicto Perpetuo ordinato jurisprudentiæ facies non parum fuisset immutata, de illo verba faciam, & defendam 1. illud nec Antonini, nec Didii Juliani, sed Hadriani auspiciis conditum fuisse: 2. a Salvio Juliano ordinatum: 3. Juliani operam in eo præcipue constituisse, ut jus, quod varie inconditeque a Prætoribus adhuc promebatur, in ordinem componeret; illum tamen addidisse quædam, quæ a Prætoribus, qui illum præcesserunt, non fuerunt constituta; quædam ommisisse, quæ ipsi Edictis stabiliverant; quædam immutasse, ac tandem suæ sectæ interservientem, Proculeanorum placitis posthabitis, Sabinianorum sententias Edicto inseruisse: 4. nulla ratione Julianum, quod hæc fecerat, ab aliquibus criminari: 5. genuinam Edicti Perpetui ætatem, publicationem, confirmationem, auctoritatem: 6. a vero aberrare, qui id opus cum Digestorum opere a Juliano, aut Triboniano conscripto confundunt: 7. de ipso abolendo Severum Imperatorem cogitavisse, irritos tamen fuisse illius labores, 8. illud sectarum studio finem non attulisse, licet earum calorem ex eo tempore sensim refrixisse facile largiamur.

## V.

De iis, quæ immerito in Digestis reprehenduntur, assero 1. nequaquam objurgandum esse Tribonianum, quod, neglectis vetustis illis, qui Rempublicam liberam viderant, J.Ctis, ex recentioribus Pandectas componeret. 2. Falso argui ipsum, quod, absoluta juris collectione, omnes antiquas leges, Edicta Prætorum, Senatus Consulta, Jctorumque libros suprimi, & aboleri curaverit: 3. nulla de causa a plerisque criminari, quod ibidem superstitionis paganæ vestigia deprehendere sibi videntur. 4. Licet geminationes, ac repetitiones in Digestis occurrant, cum hoc parum incommodi



modi jurisprudentiæ afferat , defendam Tribonianum , quidquid in ipsum ganiant Pard. Prateius , Rad Fornerius alii. 5. Ad emblemata quod attinet , ea in Digestis , ac Codice reperiri cum Wissenbachio , licet non eodem numero , convenio. Ab eo tamen recedo , dum inscriptiones quasdam titulorum esse ab ipso intermissas , dum in Institutionibus emblemata inveniri , dum in illis Digestorum , ac Codicis emblematis gravissimum admisisse flagitium Compilatores , contendit.

## VI.

At Legum Romanarum compilatores merito reprehenduntur 1. quod in earum corpore loca quædam inter se contraria , nulloque fœdere socianda relinquerunt. (a) 2. Quod leges quasdam a sua propria sede divulserint , quarum exempla etiam referemus , omniumque loco erit l. 3. D. de Rer. Divis. 3. Quia in titulorum dispositione quosdam nulla ratione aliis adjunxerint. 4. Dum veterum Ictorum fragmenta ita quandoquidem resecaverunt , ut illorum intelligentiam nemo capiat , & hoc pacto tot cruces , ac ænigmata Jctis imprudenter posuerint.

## VII.

De Authenticarum ex Novellis Justinianeis excerptarum , quæque in Codice reperiuntur , auctore , tres sunt eruditorum sententiæ. Alii Irnerio omnes adscribunt , alii nullas alii nec omnes , nec nullas , cui sententiæ & Incomparabilis Bynkerfoekius & ipse libenter subscribo.

## VIII.

---

(a) Exempla l. 22. D. de pignor. & hipoth. & l. 41. D. de pignorat. action. l. 13. §. 1. D. de public. judic. & l. 3. Cod. de accusat. : l. 23. §. 3. D. de reivindic. & l. 9. §. 2. D. de adquir. rer. domin.



Breviarii Alariciani , & Codicis Wisigothorum historiam dabimus ostendentes præcipue 1. Alariciani Breviarii auctorem non Gojaricum Comitem , sed Anianum fuisse 2. quæ illius fontes, quo anno publicatum, quæ auctoritas , quæ interna forma , qui usus : 3. Codicem Wisigothorum Lusitaniæ primorum nostrorum Regum temporibus usum habuisse.

## IX.

Bartholinam scholam a Joanne de Aregas primo in foro, postea a Præceptore Navarro in Conimbricensi Academia stabelitam in Lusitania nostra ad Joseph. I. tempora viguisse , indeque pessimam juris studii rationem , quæ per illa tempora in Academiam & forum , invitis cordatioribus , irrepsit , ortum duxisse , demonstrabimus.

Præcipuos Lusitanos juris auctores , qui per seculum XVI. & XVII. floruerunt adnumerabo , illorumque scripta , ac merita referam.



## T H E S E S

*Ex Jure Publico Ecclesiastico Universalis & Lusitano.*

## I.

**E**Orum opinionem , qui Ecclesiam societati , seu collegio æquali in Republica sine imperio existenti accensent , refutabimus : est namque illa societas inæqualis ex Imperantibus , & subditis composita.



posita.

Hujusce societatis sacrum Principatum, seu Imperantium ordinem Clerici tenent, quos inter Hierarchiam seu certam subordinationem in diversis gradibus majoris excellentiæ, dignitatis, & potestatis fundatam dari, quidquid novatores, præeunte Luthero, velint, nemo sanæ mentis haud affirmabit.

Quapropter quam maxime hallucinantur, qui cum Hobesio, & Christiano Thomasio jus regendi, gubernandique Ecclesiam cujuslibet populi capiti tribuunt, potestatemque Sacram cum politica ex natura ac indole summi Imperii indivulso cohærere nexu contendunt.

## II.

Aequalem Apostolis omnibus datam in regenda Ecclesia a Christo illius Fundatore potestatem fuisse & sacræ Scripturæ loca, & Patrum testimonia, & vetus Ecclesia disciplina testantur.

Clavium etiam potestas non Petro specialiter a Christo data, sed Universitati Ecclesiæ, ut illa per suos Ministros, Petro omnium primo constituto, exerceatur.

Formam igitur regiminis Ecclesiastici esse Monarchiæ oppositam defendam ipsius Christi institutione inspecta.

## III.

Nec quisquam idcirco sibi persuadeat nos Primatum ordinis, ac jurisdictionis in Ecclesia non agnoscere; Catholicum hoc dogma amplectimur, contrariorumque argumenta facile diluemus.

Hunc Ecclesiæ Primatum in Romanos Episcopos translatum, semperque in eis ab Ecclesia agnitum fuisse Conciliorum acta, gesta eorundem Pontificum, scripta, & elogia Patrum tam Orientis, quam Occidentis indicant.

Hoc



Hoc ut negarent sæculi XVI. scriptores quidam, Petrum Romanæ Urbis, vel saltem ejus Episcopum nunquam fuisse tradiderunt: ego contra ipsos declamabo, Petrumque Romæ habitasse, & ibi Episcopatum gessisse ostendam.

A quo autem Romanæ Sedi Primatus creditus? Non a Christo, sed a Petro, vel ab Ecclesia defendam: ergo ad alium Episcopum ab ipsa definitum Petri successorem v. g. Bracharensem, Toletanum justis de causis non inficior transferri posse.

## IV,

Quæ Romanæ aulæ Theologi Pontifici attribuunt, serio animo expendentes asserimus i. in definiendis fidei controversiis fallibile illius judicium: jus ipsi nequaquam esse leges condendi in causis fidei, & disciplinæ universam Ecclesiam obligantes, cum ipsa iisdem non assentitur.

## V.

An necne Episcopi immediate a Deo potestatem suam habeant, quæstio fuit inter Tridentini Synodi Patres: affirmativam sententiam sequuti sunt Hispani, Gallique Præsules, Itali contrariam, eos asserentes non Christi, sed Summi Pontificis Vicarios esse. Ego indecisam ibidem quæstionem juxta Hispanorum Gallorumque judicium arbitror, decidendam.

## VI.

Episcoporum potestas jure divino nullis erat per totum orbem limitibus circumscripta, hoc autem partito, limitibusque unicuique ad regendum assignatis, intra ipsos absoluta permansit:

Idcirco ibidem i. Legibus etiam Concilii generalis, &

*Ad h. v. Epist. 89 ita  
Hujus muneris, & actum  
tum ita debemus ad omni-  
um Apostolorum officium  
voluit pertinere, ut in be-  
atissimo Petro Apostolorum  
primatum Summo Principi  
liter collocaret, & ab ipso qua-  
si quodam capite dona-  
tæ, velut in corpore omnia  
diffunderet.*



& Pontificis , si Ecclesia , aut fidelium necessitas postulare , solvere poterant : 2. dispensationes concedere , quæ postea Pontifex sibi reservavit : 3. omnium suæ Diœcesis beneficiorum collatio illis pertinebat : 4. nulli casus Pontifici reservati ibidem erant : & denique alia jura , quæ Romanus Episcopus nostris temporibus exercet , suo ipsis jure competeant.

## VII.

Generalium Conciliorum auctoritatem in Ecclesia utilem non modo esse sed non raro necessariam defendam , quidquid plures in contrarium , ac præcipue infallibilitatis Pontificiæ fautores contendunt.

Horum Conciliorum convocationem nulla Divina , aut Ecclesiastica lege Romano Episcopo pertinere Febronius asserit : ego illius ratione Primatus proprium esse existimo. Ipse tamen sustineo , illum convocationis modum non ita esse necessarium , ut , si omittatur , nullum habeatur Concilium.

Etiâ jus in Concilio Universali præsidendi aut per se , aut per Legatos Pontificis proprium , in dubium Febronius post Gibertum revocavit. Ego utrumque nulla solida niti ratione suadeor.

Fagnani doctrinam , cujus vestigiis insisterunt alii , Episcopos scilicet in Conciliis esse tantum Consultores Papæ , non conjudices pro viribus refutabimus.

## VIII.

Infallibile Generalium Conciliorum in rebus fidei , & morum ad salutem æternam pertinentium judicium esse ex sacris literis clarius est , quam ut ab ullo , qui illis credat , inficiari possit.

An ipsa sufficienter promulgata auctoritatem , vimque suam consequantur antea , quam a Sede Romana confirmantur , vehementer disceptatur. Ego Conciliorum  
gene-



generalium decreta confirmatione Pontificia non indigere propugnabo.

Ea Romanum etiam Pontificem adstringunt, qui Œcumenico Concilio inferior est, in illoque judicari damnari, deponique potest: idcirco & legitime a sententiis Pontificiis ad illud supremum suprema auctoritate Ecclesiæ Tribunal provocatur.

### IX.

Nostri Regni Principibus Episcoporum nominatio ad Diœceses suæ ditioni subjectas pertinet: idque non tam ex Pontificis gratia, quam jure sibi aliis de causis proprio.

Episcoporum confirmatio duodecim prioribus Ecclesiæ sæculis in Lusitania nostra ad Metropolitanos pertinuit. Hos in Synodis Provincialibus ordinari fugit neminem.

Istam confirmationem Cancellariæ Regulæ Romano postea Episcopo reservarunt. De earum reservationum, justitia & effectu sermonem, si nos interrogarint, prolixum instituemus hoc præcipue demonstrantes, illam confirmationem, urgente necessitate iterum ad Metropolitanos, & Concilia Provincialia pertinere.





# THESES

## *Ex Jure Romano.*

### I.

**T**ransactio bona fide facta ob læsionem , quæque illa sit , neutiquam rescinditur , contrarium licet Alciato , Pinello , aliisque placeat.

Alia non minoris momenti quæstio est , an transactio de controversiis ex testamento ortis nondum inspectis ipsius tabulis recte fiat : ego negativam opinionem tuebor.

### II.

Inofficiosi testamenti quærellæ origo nec a Lege Glicia , nec a Principum constitutionibus , nec ab Edicto Prætoris , nec a Judicio Centumvirali , sed a moribus , & auctoritate Prudentum est ducenda.

Hanc inofficiosi quærellam præparatorium ad hæreditatis petitionem esse judicium , sicut actio ad exhibendum ad reivindicationem , plerique Interpretes credunt. Ego petitionis hæreditatis speciem esse cum Hubero , Schultingio , aliisque autumo.

### III.

Resciso a patre testamento filii per quærellam etiam post Nov. 118. cap. 2. cum eo una frater ad defuncti hæreditatem minime est admittendus , etsi contrarium teneant Vinius , Bachovius , Thomafius , Strykius alii.

Similiter obtinente fratre quærellam ipsam , liberi fratrum non pariter succedunt.

### IV.



## IV.

Servitutis natura, purisque regulis inspectis ipsam solius voluptatis causa imponi non posse, nequidem auctis Romanorum deliciis adversus Cl. Gerardum Noodtium defendam.

Proprietario in prædio usufructuario eam, quæ usumfructum afficit, servitutem, nequidem consentiente usufructuario, constituere licet.

Servitutum realium non ea natura est, ut aliquid quis faciat, sed ut aliquid patiatur, aut non faciat. Nec ab hac regula oneris ferendi, altius tollendi, aliamve servitutem excipio.

## V.

Senatusconsulti Velleiani originem nobis aliquo inquirente, anno 763. L. Silano & Velleio Tutore Consulibus factum, etsi in diversa eant cum Antonio Schultingio, & Schiltero non pauci, verosimilius affirmabimus.

Hoc Scto non foeminis prohibetur, ut cum Averanio fere omnes arbitrantur, ex intercessione sua obligari, sed permittitur non obstringi, si nollint, in casibus, ubi Sctum obtinet.

## VI.

Vulgaris distinctio procuratoris universorum bonorum in simplicem, & cum libera ex ratione juris defendi nequit.

Aliam etiam vulgarem divisionem ususfructus in formalem & casualem rejiciemus.

## VII.

Negotiorum gestorem tantum pro culpa levi teneri cum Rittershusio quamplurimi Interpretes docent: ego vero ab illo, qui proinde ad levissimam culpam vulgo tenetur



netur, exactissimam diligentiam præstandam esse judico.

Creditorem ratione pignoris accepti tantum de dolo, culpa lata, & levi teneri, Cl. Gerard. Noodtio duce, defendam.

### VIII.

Tutelam pactitiam, seu conventionalem in jure Romano præsidium reperire singularibus dissertationibus conati sunt aliqui demonstrare: nos vero id tutelæ genus Romanis fuisse incognitum arbitramur.

Pater filio etiam exhæredato tutorem dare potest; Ast mater nonnisi hæredi instituto.

Aediles Municipales a tutelis non fuisse immunes Balduinus, Feltmannus, Vinus, alique suadent; nos Viris Cl. Cujacio, ac Petro de Toullieu, qui a tutelæ oneribus ipsos excusari posse existimant, assentiri minime dubitamus.

### IX.

Juris accrescendi, quo in hæreditatibus, & legatis utitur, originem ad Leg. XII. Tab. quidam referunt, alii ad Leg. Juliam & Pappiam. Nos has sententias erroneas esse opinamur, probabiliusque existimamus, jus illud primum ex Interpretatione, Responsisque Prudentum post XII. Tab., & ante Leg. Juliam & Pappiam fuisse introductum, rebus deinde judicatis, seu sequuta Prudentum auctoritatem Disputatione Fori diuturno usu confirmatum constituisse.

Cum quisque conjunctorum re ex ipsis testatoris verbis solidum ab initio habeat, quoties conjunctus non concurrat, solidum ad alium indubie pertinet. An vero, dum alter admitti speratur, possit alius interim totum petere, an potius partem dumtaxat, quam altero concurrente haberet, diversæ sunt sententiæ: meo judicio partem dumtaxat illi petere licet.



*Deinde ad libitum interrogantium Synthetice  
exponam ex Digestis.*

**L** Ib. 7. tit. 3. quand. dies ususfr. legat. ced.  
 Lib. 7. tit. 4. quib. mod. ususfr. vel usus amitt.  
 Lib. 8. tit. 6. quemadmod. servit. amitt.  
 Lib. 26. tit. 3. de Confirm. tut.  
 Lib. 27. titi 2. ubi pupill. educar.  
 Lib. 28. tit. 7. de Condit. institut.  
 Lib. 33. tit. 3. de Servit. legat.  
 Lib. 33. tit. 5. de Option. vel election. legat.  
 Lib. 34. tit. 4. de Adimend. vel transf. legat.



## THESES

*Ex Jure Civili Patrio tum Publico ;  
tum Privato.*

### I.

**N**ostri Imperii forma est Monarchica , absoluta ;  
 hæreditaria cognatica.  
 Cum tamen hæreditarium & cognaticum nos-  
 trum Imperium esse ex Comitibus Lamecenfibus maxime de-  
 ducatur , hæc extitisse demonstrabo.

### II.

Testium rogationem in jure civili inter testamenti  
 solemnitates ad ipsius auctoritatem necessariam jure nos-  
 tro etiam desiderari , Reinosus , Netto , Gama , alique  
 tuentur. Ego ab hac opinione dissentior. Testamentum  
 vero militis excipio , quo rogationem arbitror necessa-  
 riam. Ord.



Ord. lib. 4. tit. 80. §. 1. pro forma testamenti clausi requirit , ut illud coram testibus Tabellioni tradat testator , qui postea ab ipso sciscitatus , an id suum testamentum sit , respondeat , suum esse. At si testator testamentum coram testibus notario illud approbaturus tradens , suum esse , quod tradit testamentum , dixerit , quod firmum ratumque esse vult , satis erit , ut illud ratam habeat auctoritatem , licet tabellarius percunctationem , illo accepto , ommissit ? Pro hujusce testamenti nullitate aliquando nostri Regni Senatores judicarunt , ac optime judicavisse Portugal , aliique existimant. Ego vero contrarium.

## III.

Quod jus in bonis majoratus illius possessor habeat , non inter DD. convenit , aliis usufructum , dominium utile aliis illi tribuentibus. Ego plenum dominium illi pertinere suadeor.

In majoratum jurisprudentia celeberrima nostro in Regno est quædam semper desideratissimi Principis Joseph I. Lex 2. Cal. Augusti 1770. lata , quæ novam formam majoratibus dedit , ac veterem , qua illi regerantur , jurisprudentiam non uno capite abrogavit. Hujusce legis doctrinam elucidabimus.

## IV.

Resciso Testamento ab ipso testatore emphytheusis nominatio in eo facta evanescit. Num autem idem dicendum , cum testamentum ex causa exhæredationis irritum fit , controversia non levis est , in qua nostri Interpretes varie sentiunt , Caldas & Thoma Valasce hinc , illinc Alvaro Valasco , & Pinheiro præeuntibus. Nos vero nominationem in simili testamento factam a nostro jure minime improbari existimamus.

Quid si testamentum ex præteritione rescindatur ? tunc si præteritio non fuerit scienter , ac ex animo facta nominationem irritam fieri mea est sententia. Du-



Dubium etiam fuit, magnæque contentione in Supremo Lusitaniæ Senatu, prout Gama refert, disceptatum, an nominatio in testamento facta, rupto ipso agnatione posthumi, rescindatur? affirmative respondeo.

## V.

Ecclesiasticis ordinibus a nostris Principibus prohibetur immobilia ulla bona tum lucrativo titulo, cum oneroso, absque speciali ipsorum facultate acquirere.

Hujusce legis justitiam non a consuetudine, cujus Ord. meminit lib. 2. tit. 18. in pr., non ab Ecclesiasticorum consensu in Concordatis præstito, sed a legitima Principis ad illam ferendam auctoritate, ex status œconomia, ac ipsius Ecclesiæ utilitate esse ducendam demonstrabo.

Istius juris historiam tam in nostro Regno, quam in Romano Imperio dabimus.

## VI.

Filii naturales plebei patris hæredes sunt simul cum legitimis, &, si hi desint, totam hæreditatem capiunt, tertia tantum excepta, cujus dispositio patri libera erit: Ordin lib. 4. Tit. 92. in pr.

Hanc legem Interpretum nostrorum quidam inæquissimam arbitrantur, ita ut Alvarus Valascus in hæc prorumpit illam respiciens: *Semper optavi, ut præfata lex quasi non minimum Reipublicæ scandalum generans a Rege nostro invictissimo corrigeretur.* Ego vero eam optimis rationibus stabiliri contendam.

Illius Ord. verba *ou tiver hua jo manceba* Phæbo suadent, quod si quis aliam præter unam concubinam habeat, tunc filium non paternas opes consequi. Nos contrarium sustinebimus.

Consanguineis etiam paternis filios naturales plebei succedere, quibusdam licet invitis, tuebimur.

## VII.



Ord., prout antea asseruimus naturalibus plebei filiis ipsius hæreditatem tribuit. Quid si tempore conceptionis pater plebeus erat, & nativitatis tempore nobilis? Nos nativitatem tantum esse considerandam arbitramur.

Filius Clerici, qui tempore conceptionis minores ordines habebat, at nativitatis jam in Sacris erat constitutus patri succedet necne? Negative cum Alvaro Valasco respondebo.

## VIII-

Quæ sit habenda ratio in Regiæ Coronæ bonorum successionem, Eduardus Princeps noster Lege lata 3. Non. Aprilis anno 1434. secundum parentis sui mentem definivit.

Istius legis historiam ac causam dabimus, justitiamque tuebimur, præcipue adversus Emmanuelem Faria de Souza, qui Joannem de Aregas ob id totis viribus carpit: quod eam Eduardo suaduit.

Ejusdem Legis sanctiones, quas Ord. exponit lib. 2. Tit. 35. a pr. ad §. 9. elucidabimus.

Ex dubiis etiam ex illa Lege ortis, ab Ipsoque Eduardo postea lege pridie Kal. Julii lata anno 1434. sublati, exponam, quæ in Ord. eod. Tit. §. §. 10. 11. 12. 13. 14. 15. 16. 17. continentur.

## IX.

Pro inquirentium libito exponemus Leg. de 4. de Julho de 1768. sobre a Consolidação dos prazos Ecclesiasticos.

Leg. de 19. de Setembro de 1761. sobre os Escravos.

Leg. de 16. de Janeiro de 1773. sobre o mesmo fim.

Leg. de 8. de Janeiro de 1783. a favor do Comercio das fazendas que vão para Goa.

Leg. de 6. de Outubro de 1784, sobre os Esponsaes.

Syn-



( 28 )

*Synthetice etiam elucidabo.*

Ord. lib. 2. tit. 16.

Ord. eod. tit. 28.

Ord. eod. tit. 29.

Ord. eod. tit. 37.

Ord. lib. 4. tit. 7.

Ord. eod. tit. 24.

Ord. eod. tit. 39.

Ord. lib. 5. tit. 15.

Ord. eod. tit. 64.



*EX SOLEMNIBUS ANALYTICIS*  
*Prælectionibus exponentur.*

*Ex Recitationibus Pomeridianis.*

I.

**L.** Si quando 1. C. de naufrag.

II.

**L.** Si vindicari 20. C. de poen.

III.

**L.** In Criminibus 1. §. Divus 17. D. de quæst.

**L.**



(29)

IV.

L. Si merces 25. §. qui fundum 1. D. locat.

*Ex Prælectionibus vero Matutinis.*

I.

L. Julianus 13. D. de action. emp. in pr.

II.

L. Duo sunt 30. D. de testam. tut.

III.

L. Unum 24. D. qui testam. fac. poss.

IV.

L. Si mulier 11. D. ad SCtum Vell.

V.

L. Exemplo 7. C. de probat.

---

CONIMBRICÆ:

Ex Typograph. ACADEMICO-REGIA,

Anno Dñi M.DCCLXXXV.

*Cum facultate Regiæ Curia Censoriæ.*











SL 133

18-408

C785  
L7321  
1-517E

2,500

8/11

Coll. apparently complete: 29, (3 bl.) pp  
As 6/14/93

